

# Bartes en Jannes



Hé Jannes, hoe giet 'et mi toe? Ben ie de verkoldheid een beetie te boaven? Verkoldheid, verkoldheid, het was Coro-voor en Corona. Oh ja?! Had ie het echt? Wat dacht ie wat, Bartes. Ik gung nog



lachend de trappe op, moar gung d'r gierend weer vanaf, zoe benauwd had ik et. En toen hup noar't ziek'nhuus. Lig doar toch ok die René Karst... 't Is een hele goeie vent heur, moar ik hoef hum niet te heur'n zing'n. Moar hij heuld de koez'n op menaar en doar had ik dan ok gien last van. Moar as't goed is bin ik imuun en krieg ik 'et niet weer.


Ai d'r goed bij noadenkt, is't toch ok raar dat de ministerpresident elke



dinsdagoavond um acht ure zien show hef. En elke keer zeg hij hetzelfde: Hand'n wass'n, in de elleboage hoest'n, 1,5 meter afstand,

en zoeveule meugelijk thuus bliev'n. Met dat hand'n wass'n denk ik wel: "Bent we dan zulke smeerdiedels?" Of met dat in de elleboage hoest'n lek wel een neie begroeting ai de andere arm de lucht in gooit. Of ai nou kiek't met die aanderhalve meter: Mmu'j nou iens bij de bakker kiek'n... et volk stiet al

tot an 'et Miniatuurtie. Moar het brengt het volk ok weer bij mekaar. Veur ai't weet he'j van een vrumde een poasbuul an de deurknoppe hang'n. Of dut 'et Miniatuurtie goeie zaak'n met Comfortfloors deur blomm'n af te lever'n. Ja, dat zul Bakker Dickie ok kunn'n doen. We treft 'et nou met het weer, moar as 'et water giet, dan ziedie die riege ok niet meer. Ach ja, moar ziedie oe nou voetball'n



mit een aanderhalve meter regel? Nou, nee. En toch kriegt ze net as de leerling'n die 'eslaagd bint een tiet'l of een diploma. Een coronatiet'l? Ja, moar dat ma'j niet zo numen. Ja, Ja. En ie hebt lui die bint niet bange uut'evall'n. Die goat gewoon op pad, zoas de SRV man, Rien Giethoorn. Wordt ie ziek, dan wordt ie ziek...moar wat dut ie as zien klaant'nbestand ok ziek wordt? Ho, ho hij hef ontsmettingsmiddel bij hem. Nee, 't zal niet an hum ligg'n. Moar 't bint wel vake de wat oldere lui die bodschopp'n doet

bij de SRV en die bint ok vake wat kwetsbaarder. En dan te bedenk'n dat een dokter in een speciaal pak bij de meins'n op visite giet. Ach, ja Bartes, moar we doet 'et allemoale veur een goeie zaak. Al valt mij ok op, dat 't Olde wief dit keer drei pagina's mit oaverleed'n lui had, in plaats van tweeë. Ja, dan kriegt wij hier ok weer die discussie of Schut gien eig'n begraafplekke mut hebb'n. Zekers een goeie vroage, zoelange dat moar niet in't belevingsbossie gebeurt, doar beleeft we al genogt. Dat is woar. Moar Bartes, ie weet nogal wat hè. Kun ie mij nou iens vertell'n woar as dat virus vandoan komp? Moar Jannes, ie daagt mij nou wel



ut heur. Sommige lui denkt, dat het is ontwerp'n deur een weet'nschapper, een afgeleide van het SARS. Moar ai't mij persoonlijk vroagt, dan

denk ik dat alles umme balans dreit. Kiek ai een stok grond zien gaank loat goan, dan komp er eerst mos en grös. Doarnoa ontstoat er kruud'n en struuk'n. En as ultieme afsluter hebt we de boom'n en kriegt we bos. Dat is de ultieme balans in de natuur. En dieren leert doarin leef'n en elk dier hef zien eigen plekkie, een niche nuumt ze dat. Moar in de natuur hebbie ok parasiet'n, wij nuumt dat ongedierte, bacteries en viruss'n. Moar umdat bacteries

en viruss'n in de oerwoud'n min of meer geïsoleerd leeft, brek dat niet uut. Dat is in balans. Nou bint wij al joar'n op steeds grotere schaal an't consumeer'n. We vliegt op vakaansie as idioot'n; wij eet sloop'n vol gruunt uut verweggiestan, bouwt oaveral ter wereld megastall'n veur kiep'n, geit'n, vark'ns, koei'n enzovoort. Van iezer en holt. En die biest'n gedeit goed op soja en wordt 'ebakk'n in palmeulie. En umme die zooi te verbouw'n he'j laand neudig. Dat hebt wij hier niet in Nederland. Dus net als alles, doet we dat in Indonesië, China en Zuud America. En in Zuud America bint die grond'n goed vruchtbaar. En zeker de gebied'n bij de Amazone, doar kent ze de Terra Negra, grond in de vrogste joar'n op'ebouwd deur Indiaan'n. En nou verword'n tot Soja veld. Met aandere woord'n, wij leeft op een te



gr

ote voete en doarvan kriegt we nou een deel van de rekening 'epresenteerd. Een deel, want d'r komp nog wel een starte an dit verhaal. Wordt vervolgd. Dus: bos, woud, oerwoud, of reeg'nwoud'n herstell'n. De veugels fluit weer hard in ons belevingsbossie, Bartes... Ja,

nog wel. Moar er mut veule meer gebeur'n. Het is een mindset: Een mooi veurbeeld: We hebt last van rups'n. De meins'n denkt dan: "Die rups'n mu'j bestried'n." Moar dat is dus niet woar, Jannes, want de natuur herstelt zichzelluf. Ik heur 'et volk en oe zegg'n: "We hebt nog nooit zoeveule veugels heur'n fluit'n in't bossie." Nee inderdaad, dat is zo. Moar ik make mij zorg'n veur de ongeduldige maniere woarop een meinse denkt. Die processierupse wordt nou bestreed'n met een peerdemiddel, doar giet alles



van dood. Dus de rups'n, moar ok uiteindelijk k de veugels die as die rups'n eet. En dan krieg ie

wat arger is dan rups'n. Mao Tse Tung meuk die fout ok al iens. Die scheut alle muss'n dood, umdat die het zoad veur de tarwe vraat'n. En toen wurd de tarwe op'evreet'n deur de rups'n. Er is dus een onlosmakelijk verbaand te viend'n en te zien tuss'n rups'n en veugels. Moar ok met de rest van de insect'n, de bijen en de bestoeving van de plaant'n. As wij meins'n niet meer noar de oorzaak en het gevolg en/of eigenlijk; as wij niet meer veuruutkiekt en denkt in wat onze actie veur consequentie kan hebb'n in de toekomst en het verbaand niet meer ziet, dan goat wij dood.

In China störv'n toen veule meins'n van de honger. Lat ons dat niet gebeur'n! Die hele Corona is dus een signaal. Loat we dat signaal oppakk'n. Tjongejonge wat een verhaal, ik zul hoaste zegg'n een preek Bartes. As ik oe goed begriepe, dan zit wij op een wupwap. En ai achteroaver leunt, dan krieg ie meer arm/gewicht en goa'ie onderuut. Ai veuruut leunt dan goa'ie noar boa'm. Precies Jannes, een dreierend en glijdend e'emwicht! En dat vrag samenwerking mit de aandere kaante van de wupwap, de natuur en die mu'j leer'n begriep'n. En vake is het simpel ai de consequentie al iens eziene hebt.

Ai mit iene auto op de wereld ried, dan he'j d'r gien last van. Ried we met zien all'n, dan kriegt we gien aosem. Ai mit iene batterije ried in een auto is niet zo arg, moar as we dat mit zien allen goat doen...? Ai tiene koei'n melkt is niet arg, moar mit 10 megastall'n he'j op



Noordscheschut al vlot teveule. Logisch toch? En een schuld hebb'n op finacieel gebied ku'j afbetaal'n. Moar een schuld op milieugebied...die presenteert oe de rekening!